



## **MEMORIA DECLARACIÓN**

Artigo 15.2. da Lei 1/2016, do 18 do xaneiro, de transparencia e bo goberno.

### **CONVENIO DE COLABORACIÓN ENTRE A CONSELLERÍA DE POLÍTICA SOCIAL E A ASOCIACIÓN "SOLIDARIEDADE GALEGA CO POBO SAHARAUI" PARA O DESENVOLVEMENTO DO PROGRAMA EMERXENCIA ALIMENTARIA NOS CAMPAMENTOS DE REFUXIADOS SAHARAUIS**

O director xeral de Familia, Infancia e Dinamización Demográfica,

#### **DECLARA:**

Que esta Dirección Xeral de Familia, Infancia e Dinamización Demográfica ten previsto formalizar coa Asociación Solidariedade Galega co Pobo Saharauí o instrumento convencional arriba referido por un período de vixencia que abrangue dende a data de inicio de vixencia do convenio ata o 20 de novembro de 2021.

Que o instrumento convencional ten por obxecto:

O establecemento dun marco de colaboración entre a Consellería de Política Social e a Asociación Solidariedade Galega co Pobo Saharauí para o desenvolvemento do programa "Emerxencia Alimentaria nos Campamentos de Refuxiados Saharaús" 2021, posto en marcha pola Asociación Solidariedade Galega co Pobo Saharauí e que ten como obxectivo xeral dar solución á falta de alimentos básicos para os Refuxiados Saharaús, agravada pola actual pandemia de COVID-19, dunha poboación composta maioritariamente por mulleres, maiores e nenos/as.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional que se pretende asinar se fundamentan no seguinte:

Paliar á falta de alimentos básicos que sofren os nenos/as nos campos de refuxiados saharauís, que se veu agravada pola actual situación de pandemia de COVID-19, así como a dos adultos cos que conviven, entendendo que isto repercute á súa vez nos coidados e saúde dos primeiros.

Que en consecuencia, e tendo en conta os obxectivos perseguidos co programa "Emerxencia Alimentaria nos Campamentos de Refuxiados Saharaús", cabe soste que esta actuación constitúe un obxectivo prioritario no marco da planificación económica en materia de cooperación para o desenvolvemento, e correspóndelle á Consellería de Política Social participar no seu desenvolvemento, ao abeiro do establecido no Decreto 216/2020, do 3 de decembro, polo que se establece a estrutura orgánica da Consellería de Política Social.





A Xunta de Galicia, a través da Consellería de Política Social, e a Asociación Solidariedade Galega co Pobo Saharauí, comprometida institucionalmente coa infancia, consideran prioritario potenciar este tipo de actuacións e están interesados en cooperar na execución de programas directamente ligados coa consecución do benestar destes menores. O artigo 85 da Lei 10/2021, do 9 de marzo, reguladora da acción exterior e da cooperación para o desenvolvemento, existen ámbitos prioritarios de intervención preferente concentrar os recursos de cooperación, entre os que se atopan: apartado 1.c) “conflitos ou situacións de emerxencia humanitaria”, apartado 1.e) “Relacións culturais e históricas coa sociedade galega e cos seus axentes de cooperación, especialmente nos ámbitos lusófono e hispano” e no apartado 2.a) as accións positivas “no exercicio dos dereitos sociais básicos (saúde, educación, alimentación, hábitat e auga e saneamento básico) polas persoas e os colectivos máis pobres e vulnerables”.

De conformidade co establecido no artigo 94 da Lei 10/2021, do 9 de marzo, a administración autonómica pode subscribir convenios de colaboración con entidades privadas sempre e cando as actuacións derivadas destes acordos se axusten aos principios e obxectivos formulados na mesma lei e ás prioridades e resultados do Plan director da cooperación galega para o desenvolvemento vixente.

O artigo 84.2.c.2º da dita Lei establece como unha das modalidades de actuación da Cooperación Galega a cooperación económica-financeira no ámbito da acción humanitaria e axuda de emerxencia. Este ámbito de actuación recóllese do mesmo xeito na letra h) do artigo 85 da mesma norma.

No Plan anual 2021 da cooperación galega, remátase a vixencia do IV Plan director da cooperación galega 2018-2021. Neste Plan anual recóllense os compromisos, os medios de actuación e os recursos orzamentarios que o Goberno galego pon a disposición da cooperación para o desenvolvemento para o ano 2021, de acordo coas orientacións establecidas no dito IV Plan director. No Plan relaciónanse só as actuacións que se van a financiar no marco do programa orzamentario 331A: Cooperación Exterior e ó Desenvolvemento da Dirección Xeral de Relacións Exteriores e coa UE, sen prexuízo de que ao longo do ano outros departamentos da Xunta de Galicia poidan desenvolver actuacións en materia de cooperación, cuxa cuantificación se realizará ao final do exercicio. Deste xeito este convenio vén a complementar, dentro do marco do programa “Emerxencia Alimentaria”, a subvención que, para a mesma finalidade e dentro do Plan anual 2021 de cooperación galega, foi concedida pola Vicepresidencia Primeira e Consellería de Presidencia, Xustiza e Turismo.

De acordo co artigo 2.1.c) da Lei 9/2007, do 13 de xuño, de subvencións de Galicia, o proxecto financiado ten por obxecto o fomento e desenvolvemento dunha actividade de interese social. Ademais, o artigo 19.4.c) da mesma lei establece que, con carácter excepcional, subvencionaranse aquelas actuacións que acrediten razóns de interese social e humanitario.-

A Asociación Solidariedade Galega co Pobo Saharauí na actualidade conta cos recursos humanos e a estrutura necesaria para o desenvolvemento do programa, ademais dunha






**XUNTA DE GALICIA**

CONSELLERÍA DE POLÍTICA  
SOCIAL

Dirección Xeral de Familia, Infancia  
e Dinamización Demográfica

Edificio Administrativo San Caetano, s/n  
15781 Santiago de Compostela



acreditada experiencia na súa realización, contrastada cos bos resultados acadados ao longo destes anos de colaboración e conta ademais coa colaboración sobre o terreo da entidade local Media Lúa Vermella Saharauí.

Considérase polo tanto idónea a esta Asociación para a execución de dito programa pola a súa experiencia contrastada ao longo destes anos de colaboración e desenvolvemento do programa “Emerxencia alimentaria nos campamentos de refuxiados saharauís”.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificando o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela.

O director xeral de Familia, Infancia e Dinamización Demográfica

Jacobo José Rey Sastre

(Documento asinado electronicamente)



Xacobeo 2021

